

rayuq su, yhangmoq lé mhoqshit é yanmai nghut ri.

²³ Haú u lé, agè ashop é nat wang júng é byù rayuq tarajong má bo lom nyi luí, wut garû kat é gi,

²⁴ "Nazaret wà byù Yesuq ê, ngamoq gi, Nàng eq haì sêng lhê lú? Ngamoq lé lhoq hten râ matú, Nàng jé lé é nghut lhê lú? Nàng gi, Garai Gasâng é Chyoiyúng Sû nghut é lé, ngò sê lhê." gâ ri.

²⁵ Haú hkûn, Yesuq gi, "Hkâjop, yhâng chyáng mai htoq ló aq." ga yhang lé tân kat ri.

²⁶ Haú hkûn, agè ashop é nat haú gi, byù haú yuq lé wum kat langhtân nhâng luí, htê mó eq garu uchyang htoq ló byuq bê nghut ri.

²⁷ Shiwa byù banshoq bang gi, gyai yhang maú byuq kômù, rayuq eq rayuq, "Shí yuq é dang gi, hkasû é dang wá nghut lhê lú? Ahko ahkáng bo é dông mhoqshit é hkyô asik nghut ri-nhung! Yhang gi, agè ashop é nat pé lé hkunmó hkyó jáng, haú bang lháng gyo byî akô nghut ri." ga luí, taí lhûm bum akô nghut ri.

²⁸ Yesuq eq sêng é ludang gi, Galile mau jàm shoq, yang é dông byo myín ló bê nghut ri.

Byù Myo Myo Lé, Yesuq Lhoq Gê Byî É Hkyô
Mht 8:14-17; Luk 4:38-41

²⁹ Yhangmoq gi, tarajong mai htoq luí, haú hkûn jáng, Yakuq eq Yohan nhik le mù, Simun eq Andre nhiktâng é yhûm má wang e ló bekô nghut ri.

³⁰ Simûn é yhâng-aumó gi, gyai yhang nò leq tô é nghut mù luí, yhangmoq gi, Yesuq lé haú yuq no é hkyô lhom taí kyô akô nghut ri.

⁴⁰ Manggâm dap é byù rayuq gi, Yesuq chyáng lé mù, hkyihput htuq luî, "Nàng dóng é nghut le gi, ngò lé Nàng wó lhoq sân-yúng byi râ nghut lhê." ga dung wut ri.

⁴¹ Haú hkûn, Yesuq gi, yhang lé wú shogyo luî, loq lâh kat mù, haú yuq lé ê záng luî, "Ngò dóng lhê, sân-yúng aq hkoi." ga taî ri.

⁴² Haú hkûn jáng, manggâm ana byuq byuq luî, yhang gi, gè bê nghut ri.

⁴³⁻⁴⁴ Yesuq gi, "Nàng, shí hkyô ó lé le hkâtaî kyo. Nghut kôhang, náng é gungdu lé, hkyangjong hpô chyáng ló tân shit mù, nàng sân-yúng bê hkyô lé yhangmoq é matú saksé dut sháng gaq, Mosheq tarâ tô tô é eq rajung za, hkungga ló nhông byi aq." ga, yhang lé gyai yhang sidiq byi mù, radá dâm nhang kat bê nghut ri.

⁴⁵ Nghut kôhang, haú yuq gi, htoq ló mù, haú hkyô lé je taî pyo myhîn ló bê nghut ri. Hau é yanmai, Yesuq gi, wà hkaû má de de a ge wang ló lo mù, shinggan mâ é chamchyuiyui dut é jowò má za nyi nyi ri. Nghut kôhang, byu pé gi, jowò hkanmó mai Yhâng chyáng ru zîng lé nyi bum ashî kó nghut ri.

2

Gùngjum Shî Sû Lé, Yesuq Lhoq Gê Byî É Hkyô Mht 9:1-8; Luk 5:17-26

¹ Buinyî hkâ-myháng a myáng má, Yesuq gi, Kaperna-um wà má dum wang lò jáng, Yhang yhûm dum taû jé lô bê gâ é hkyô lé, byu pé wó gyô bum akô nghut ri.

haû mungdang lé hup pyâm é yanmai, ashi a wó zui dut kó râ nghut lhê.

²⁰ Ra-am kúm gi, myìhpún bo é jang má gyó âng é kyôshi eq wuí akô; yhangmoq gi, haû mungdang lé gyô yù mù, lhom yù luî, sân kat é htoq sum xê tú, hkyuq xê tú, rashô tú lhang myo shoq ashi zui lò kó râ nghut lhê." gâ ri.

Myibung Htûn É Hkyô

Luk 8:16-18

²¹ Yesuq, yhangmoq lé xoq taî é gi, "Nungmoq gi, myibung lé yù mù, tsungjang má a tsung e za, mûng èq nghop tô é, a nghut jáng, yhupchong ô má tsung tô é, ó yuq wá kut wú akô lú?"

²² Hkâsu mù gâ le, haq tô é zè haí jung le htoq ze lò râ eq, zaú tô é pé haí jung le byông htoq lô râ nghut lhê.

²³ Gyô yù râ nohkyap dap sù ó yuq nghut kôle, gyô yù sháng gaq." gâ ri.

²⁴ Hau htoq agó, Yhang dum taî é gi, "Nungmoq gi, wó gyô yu é hkyô lé rago myit wú keq; nungmoq lik byî é bung èq, nungmoq lé dum lik byi râ nghut lhê; hau htoq lhang myo shoq wó kó râ nghut lhê.

²⁵ Hkâsu mù gâ le, wó to sù lé gi, jat byi shirâ, a wó su chyáng mai kúm gi, yhang wó tô é lé lhang yu pyám byi shirâ nghut lhê." gâ ri.

Kyôshi Yuq Kô Lo É Dangtú

²⁶ Hau htâng, Yhang dum xoq taî é gi, "Garai Gasâng é mingdán gi, byù rayuq mai, myigùng má sân kat é kyôshi eq wuí ri.

²⁷ Byù haú yuq gi, myín lé yhup tô é nghut nghut, nyí lé toq lo é nghut nghut, kyôshi gi, zui htoq lô

mù, yuq kô lo nyi ri; nghut kôlhang, yhang gi, hkâsu kut yuq lo nyi é hkyô lé a sé nghut ri.

²⁸ Myigùng gi, yhang baú yhang, kyôshi lé, sâng-hi má abum bum nhâng, hau htâng má a-nhâm htoq nhâng mù luî, ashi zui shoq kut é nghut lhê.

²⁹ Kyôshi myhíng jáng, kyô shu yoq jé bê nghut é yanmai, yhang gi, zaiyik eq yâm yù rá nghut lhê." gâ ri.

Angshi Cham Lé Dangtú Yu É Hkyô

Mht 13:31-32; Luk 13:18-19

³⁰ Yesuq dum xoq taî é gi, "Garai Gasâng é mingdán lé, hai eq lhoq whuí wú rá lhú? Hai jung dangtú yù mù, shít wú rá lhú?

³¹ Garai Gasâng é mingdán gi, angshi cham eq wuí ri. Angshi cham haú gi, myigùng má hô é kyômyui jí pé má je tiq é nghut lhê.

³² Nghut kôlhang, ho mù, yuq kô lô jáng, xun hkyâm má hô é mhan-haq hpoqnoq gàm banshoq htoq má je kô é agàm dut lò mù, akoq kô lò luî, hau é buishûm hkaú má, maulat ngoq zô pé lé wó zung nô nyi é nghut lhê." gâ ri.

³³ Haú sù é dangtú myo myo dông mai, Yesuq gi, yhangmoq wó sê gyô é myhó, mungdang hko kyô nyi ri.

³⁴ Yhang gi, yhangmoq lé, dangtú a bo é haî lháng a taî wú nghut ri; nghut kôlhang, Yhang eq chángzô pé baú nghut nyi é hkûn kúm gi, jung hkanmó é lichyúm lé taî sân kyô ri.

Laidun Mó Lé, Yesuq Lhoq Zîm Pyâm É Hkyô

Mht 8:23-27; Luk 8:22-25

35 Haû nyí, myinhâng lé, Yesuq gi, Yhâng é chángzô pé lé, "Nga-nhung nhông hé hpoq shut dap e ló sháng." ga taí ri.

36 Haú hkûn, chángzô pé gi, byù moq mó lé nyhi pyâm to luí, Yhang zung tô é lhaí mai yhang, Yhang lé shuí gû dap ló bekô; gotû lhaí pé le, yhangmoq eq rahá bo gû dap ló akô nghut ri.

37 Haú u lé, laidun mó jé lô mù, wuìlhêng hta toq lô luí, lhaí má lo bat hâng é yanmai, wuì byíng lô bê nghut ri.

38 Haú hkûn, Yesuq gi, lhaí htâng má uhkuq hkuq mù yhup myhí tô ri; haú chángzô pé gi, Yhang lé nhaú pun luí "Sará ê, nga-nhung myup shi ló rã dut é lé, nàng a chiq byi lú?" ga taí akô nghut ri.

39 Yesuq gi, toq mù, laidun lé tan luí, wuìlhêng lé, "Zim aq." ga taí kat jáng, haú laidun num ló byuq luí, banshoq zím byuq bê nghut ri.

40 Hau htâng, Yhang gi, Yhâng é chángzô pé lé, "Haí mù, haú-í gyuq bum akô lú? Nungmoq gi, lumjíng myit a bò shi kó lú?" ga taí ri.

41 Yhangmoq gi, gyai yhang gyuq dan bùm kômù, "Shí yuq gi, hkasú é byù nghut lhê lha? Lài eq wuìlhêng pé lhang gi, Yhâng é dang lé gyo byí rinhung!" ga luí, rayuq eq rayuq myí lhùm bum akô nghut ri.

5

Nat Gang Hkat Htoq Pyâm É Hkyô Mht 8:28-34; Luk 8:26-39

¹ Yhangmoq gi, nhông hé hpoq mâ é Gerase byu pē é mau má jé dap e ló akô.

hkâ-í kut byi bê hkyô lé, Dekapoli* mau bang lé ló taí kyô ri. Haú hkûn, wó gyô é bang banshoq gi, mauhong bum akô nghut ri.

Shi Byuq Bê Myiwe Zo Eq No É Myiwe Myhi Rayuq É Hkyô

Mht 9:18-26; Luk 8:40-56

²¹ Yesuq gi, lhai ji mù, nhông he hpoq shut dum dap jé ló mù, Yhang, nhông yàm má nyi tô é u lé, byù ajùm ayò gi, Yhâng é lhîngkhyuq má lé zîng bum akô nghut ri;

²² haú hkûn, Ya-iruoq gâ é, tarajong má up bang mâ é rayuq gi, haú má lé luî, Yesuq lé myang kat jáng, Yhâng é hkyî wang má paî gop to mù,

²³ "Ngá zo byizo gi, kâng byit ló nyi ri; yhang ge lò mù asak dum duì shi sháng gaq, nàng lé mù, yhâng é ahtoq má loq lé ke byi laq." ga, wum kat dúng tôngbán nyi ri.

²⁴ Haú mù, Yesuq gi, haú yuq htâng châng e ló ri; byù ajùm ayò le, Yhâng é awui ayàm má châng chyî chyap wún bum akô.

²⁵ Haú hkûn, raxe í zân suí yui nyi é myiwe myhi rayuq le haú hpúng má bo tô ri.

²⁶ Yhang gi, chi sará myo myô pê chyáng yhang wó é ngunzè banshoq lhoq pán mù, nò hkâm luî yâ wú kôlhang, ge é hkyô a joq é htoq agó, je lhang wuihke lò ri.

²⁷ Yhang gi, Yesuq é hkyô lé wó gyo jáng, byù hpûng mai Yesuq é nunghtáng má huí lé mù, Yhâng é bu má ê záng kat ri.

* 5:20 Dekapoli gâ é gi, Grik đông myuq raxê lé gâ lhê.

³⁷ Hau htâng, Yhang gi, Petruq, Yakuq eq Yakuq é yhanggu Yohan pé mai lai luî, ó yuq lé le, Yhang htâng a cháng nhâng nghut ri.

³⁸ Yhangmoq, haû tarajong má up sù é yhûm má jé lé kô é hkûn, Yesuq gi, byu pé garu garín ga yón ngau gabyông nyi bum é lé, myàng ri.

³⁹ Yhang gi, yhúmhkaû shut wang ló mù, haú bang lé, "Haî mù, yón ngau gabyông nyi bum akô lhú? Haû zoshâng gi, shi byuq é a nghut, yhup myhî tô é sheq ru nghut lhê." ga taî ri.

⁴⁰ Nghut kôlhâng, yhangmoq gi, Yhang lé wuizui kut pyám byî akô.

Yhang kúm gi, haú bang banshoq lé hkat htoq pyám mù, zoshâng é yhângnu yhângwa nhik eq Yhâng é chángzô pé lé za shui luî, zoshâng lé lheq tô é gok má wang e akô nghut ri.

⁴¹ Yesuq gi, myiwe zo hau é loq má zuî to mù, "Talihta ku-mi" (haû é lichyúm gi, "Myiwe zo ê, ngò, nang lé taî bá, toq aq." gâ é nghut lhê.) ga taî ri.

⁴² Myiwe zo haû gi, haú hkûn jáng, toq luî, sô wún ri (yhang gi, asak raxe í zân bò bê sù nghut ri.). Yhangmoq gi, haû sù dut é hkyô lé gyai yhang maú byuq bùm bekô nghut ri.

⁴³ Yhang gi, haû hkyô ó lé le a sé nhâng râ matú, yhangmoq lé taî hkúm kat luî, myiwe zo haû lé, zô jung byi tso râ matú le, yhangmoq lé taî ri.

6

*Yhumsing Wà Má Myoqdong A Wó É Hkyô
Mht 13:53-58; Luk 4:16-30*

31 Hau htang lhum gi, 'Náng gûng lé nàng chyitdap é su, náng é chyangnâm mâ é bang lé le chyitdap aq.† gâ é nghut lê. Shî í lhûm htoq kô é tarâ gotû a joq lo." ga yhangmoq lé tû taî ri.

32 Haú hkûn, tarâ sará haú yuq gi, "Gyo naû bê, Sará ê! Garai Gasang rayuq za nghut lê, gotû a nyi lo ga nàng taî é gi, têng ri.

33 Garai Gasang lé, náng é myit nhiklhum banshoq èq le, náng é sê gyo é nyan banshoq èq le, náng é wum-o banshoq èq le, chyitdap râ lê gâ é eq, náng gûng lé nàng chyitdap é su, náng é chyangnâm mâ é bang lé le chyitdap râ lê gâ é gi, myi nyhé hkungga eq gotû hkungga pé banshoq htoq má, je ahkyak lê." ga taî ri.

34 Yesuq gi, yhang hpaqchyî bo é dông tû taî nyi é lé myàng jáng, "Nàng gi, Garai Gasâng é mingdán eq a we lo nghut ri." ga yhang lé taî kat ri. Haú hkûn mai gi, ó yuq le, Yhang lé dangmyi a wám myi lo kô nghut ri.

Hkrisduq Gi, Ó Yuq É Yhangzo?

Mht 22:41-46; Luk 20:41-44

35 Yesuq, noqkuq yhûm má mhoqshit nyi é hkûn lé taî é dang gi, "Haî mù, haú tarâ sará pé gi, Hkrisduq lé, Dawiq é yhangzo za nghut lê gâ akô lhú?

36 Dawiq gi, Chyoiyúng Woi-nyí èq taí nhang é má,

'Haú Yhumsîng Garai gi, ngá é Yhumsîng lé, "Ngò, náng é gumlau gye pé lé,

† 12:31 *Trong* 19:18

⁷ Nungmoq gi, majan dut nyi é hkyô eq majan eq sêng é danglâm pé lé, wó gyo kôjáng, hkâgyuq dân kó. Haú hkyô pé gi, dut lô râ za nghut lêm; nghut kôlhang, lô htâng é buinyi gi, a nghut shi.

⁸ Byù ra-myû eq ra-myû, mingdán ralhóm eq ralhóm majan zân lhm lô kó râ nghut lêm. Jowò myo myo má, layàng nún é, mutmó gyó é pé dut lô râ nghut lêm. Haú pé gi, wuîhke jamjau hkyo é apûn awang za ru nghut ashî.

⁹ Nungmoq gùng nungmoq sidiq nyi keq. Hkâsu mù gà le, yhangmoq gi, nungmoq lé, tarâ rùng pé má ê ap pyám kó râ nghut é htoq agó, tarajong pé má nungmoq lé nhuq bat kó râ nghut lêm. Hau htoq agó, nungmoq gi, Ngá mying é yanmai, mauzau wuî eq hkohkam pé é hí má, saksé dông yap ra kó râ nghut lêm.

¹⁰ Haú gabú danglù gi, amyû banshoq lé hí hko kyo ra râ nghut lêm.

¹¹ Nungmoq gi, chyup yu é hui lui, jep hui é hkûn, haî taî râ lé, hkâ-myt chiq kó. Ahkyíng jé jáng, nang lé myit htoq lô nhang é dong za taî aq; hkâsu mù gà le, dang haú pé gi, nungmoq taî é a nghut, haú Chyoiyúng Woi-nyí èq taî nhang é ru nghut lêm.

¹² Nhiktâng gi, nhiktâng yhangchang, îwa gi, yhangzo lé, shî shoq ap pyâm lhum kó râ nghut lêm; zo wuî gi, mó wuî lé gumlau toq mù, sat pyám nhâng kó râ nghut lêm.

¹³ Byù lhunglhâng bang gi, Ngá é yanmai, nungmoq lé a nguì kut kó râ nghut lêm; nghut kôlhang, jihtúm jé shoq wó hkam jân nyi é sù gi, hkyi yu é hui râ nghut lêm.

¹⁴ 'Haú lhoq hten lhoq hpyoq é achaoq achyut

nghut lhê.

23 Haû mù, nungmoq sidiq nyi keq; ahkyíng a jé shi mai, ngò, nungmoq lé, jung hkangmó taí kyô nyi gù nghut lhê.

24 Buinyi haú pé má, wuîhke jamjau haú pé lai é htâng,
'Bui gi, noq byuq mù, lhamó gi, a tsô dut byuq rá nggut lhê;

25 kyî pé gi, mauhkûng mai byit gyó lo bùm mù, mauhkûng mâ é wum-o a-tsam pé gi, lhoq nhûn é huî bùm kó rá nggut lhê.✠

26 Haú hkûn, haú Byu Yhangzo gi, mhut ji mù, hpungwup a-tsam mó eq le, hpungwup shing kang eq le, gyó lé lo é lé, byu pé byu-myàng kó rá nggut lhê.

27 Hau htâng má, Yhang gi, Yhâng é mau-mang lagyô pé lé nhang kat mù, maumyî chyûn hkangmó eq myigùng htum shoq, mauhkûng htáng shoq mai, Yhang hkyin yu tô é bang lé shuí tsíng yù nhâng rá nggut lhê.

28 Maihpáng gâm lé wú mù, mhôq yû keq; agàm mai a-nyuq nyûn lô mù, ahaq htut lô jáng, búi nyé nám chyâng lò bê lé, nungmoq sê lhê.

29 Haú eq rajung za, shí hkyô pé dut nyi é lé, nungmoq myàng kôjáng, Yhang gi, chyáng bê nggut mù, hkúmdong má lháng nggut nyi bê hkyô lé, nungmoq sé lo keq.

30 Ngò, nungmoq lé teng za taí kôlé, shí pyat mâ é byu pé a ban shi byuq shimá, haú hkyô pé banshoq dut byuq rá nggut lhê.

✠ 13:25 Esai 13:10; 34:4

¹ Ahkuî, haû Lhoqlhai Poî eq múnchi a kat é Muk Zo Poî jé râ í nyí za ru ra alô hkûn, hkyangjong agyi pé eq tarâ sará pé gi, Yesuq lé hkâsu kut wó haq chyup yû mù, sat pyám râ matú, hkyô ho nyi akô nghut ri.

² Nghut kôlhang, yhangmoq gi, "Byu pé gabyông lô kó abe, poî gyoro má gi, a kut shí sháng." ga taî akô.

³ Yesuq gi, Behtani wà má nyi é manggâm dap wú sù Simûn é yhûm, siboî má nghe zung tô é hkûn, myiwe myhí rayuq gi, nardu amyit mai za saí yu é, gyai hpaû é namngón xû bo é alabasta (luq hpyû) bông yu lé lô mù, bông haú lé lâng hkyui luî, namngón xû haú lé Yesuq é ulhum má hut gyun byî ri.

⁴ Haú má nyi tô é bang ra-am gi, wú nhik-yô é myit èq, rayuq eq rayuq taî lhum kô é gi, "Haî mù, namngón xû lé aha agó kut pyâm lhê laq?

⁵ Haû namngón xû lé, denari* sùm sho èq ung luî, myùng bang lé byî le ge lhê mhaî!" gâ akô. Yhangmoq gi, myiwe myhí hau lé le, gyai chôm tân akô.

⁶ Nghut kôlhang, Yesuq gi, yhangmoq lé, "Myiwe zo haú lé, hkâtân nyi kó; haî mù, yhang lé i-myit lhoq myo nhang nyi akô lú? Yhang gi, Ngá é ahtoq má ge é hkyô kut bê nghut ri.

⁷ Haû myùng bang gi, nungmoq eq rahá hkâ-nhám le nyi râ nghut lhê mù, nungmoq garúm nau é hkûn, yhangmoq lé wó garúm lhê. Nghut kôlhang, ngò gi, shî má nungmoq eq rahá ayang nyi nyi rá sù a nghut.

* **14:5** Denari rachap gi, byù rayuq é ra-nyí lhê é zuihpau eq wui ri.

⁸ Yhang gi, yhang wó dut é í kut bê nghut ri. Yhang, Ngá gûng má, namngón xû hut gyûn é gi, Ngá gûng lé yhum râ matú, hí hen lajâng tô é ru nghut lhê.

⁹ Ngò, nungmoq lé teng za taí kôlé, haû gabú danglù lé mingkan gón hko kyô é jowò hkangmó má, yhang lé myit bûn é dông, yhang kut é hkyô shî lé, taí kyo bekô râ nghut lhê." ga taí kyo ri.

¹⁰ Hau htâng, haû chángzo raxe í yuq má bo é Yu-daq Iskarut gi, Yesuq lé ap pyám râ ga, hkyangjong agyi pê chyáng e ri.

¹¹ Haú bang gi, haú hkyô lé lhom wó gyo kôjáng, gyô gabú luí, yhang lé ngùn byi râ ga, danggidiq byi akô. Haú mù, yhang gi, Yesuq lé ap pyám râ hkyô ho nyì bê nghut ri.

Yhumsing É Myinzang

Mht 26:17-30; Luk 22:7-23; Yhn 13:21-30

¹² Haû htûngli joq é eq rajung za, Lhoqlhai Poî hkungga sauzo jaú byi é, múmchi a kat é Muk Zo Poî sâng-hi nyí má, Yesuq é chángzô pé gi, Yesuq lé, "Nàng zo râ Lhoqlhai Poî lé, ngamoq hkâmá ê món to râ lhú?" ga myí akô.

¹³ Haû mù, Yhang gi, chángzo í yuq lé, "Nungnhik, myuq hkaû shut wang ló keq, wui yambú waq é byù rayuq lhom hui râ nghut lhê; haú hkûn, nungnhik gi, yhâng htâng cháng keq.

¹⁴ Haú yuq, wang ló é yhûm mâ é yhumsing lé, 'Ngò, Ngá é chángzô pé eq rahá, Lhoqlhai Poî lé zo râ bíng wap hkâmá nghut lhê lhú ga, Sará myí nhang kat ri.' nghû taí keq.

15 Haú hkûn, hen to gû nghut é, ahtoq mâ é wap mó lé lhom tân shit râ nghut lhê. Wap haú má, nga-nhông é matú ê hen to keq." ga taí luí, nhang kat ri.

16 Chángzo haú nhik gi, htoq e ló mù, myuq hkaú má wang e ló le, Yesuq taí kat é eq roq za ê myâng kômù luí, Lhoqlhai Poí lé, món to bekô nghut ri.

17 Myinhtâng jé lô jáng, Yesuq gi, haú chángzo raxe í yuq eq rahá, haú má lé jé bekô nghut ri.

18 Yhangmoq gi, siboí má nghê mù, zô nyi bùm kô é u lé, Yesuq gi, "Ngò, nungmoq lé teng za taí kôlé, Ngò eq rahá zô nyi é bang nungmoq mâ é rayuq sú gi, Ngo lé ap pyám râ nghut lhê." ga taí ri.

19 Haú hkûn, yhangmoq gi, gyô yón kômù, rayuq htâng rayuq, "Ngò, a nghut hkaí?" ga Yhang lé myí akô.

20 Haú hkûn, Yhang gi, "Haú yuq gi, haú raxe í yuq mâ é rayuq nghut lhê. Ngò eq rahá, hkoq shí má muk jùmzo sù nghut lhê.

21 Haú Byu Yhangzo gi, Yhang eq séng luí kâ tô é eq rajung za, shî râ za nghut lhê. Nghut kôlhang, haú Byu Yhangzo lé ap pyâm é sù gi, dingnyé wó ri; haú yuq gi, a hku lé le lhang, je ge ri.

22 Yhangmoq zo nyi kô é u lé, Yesuq gi, muk lé yù mù, jeju hkya-on luí, muk lé myhik hpé mù, "Shî gi, Ngá é gungsho nghut lhê; yù mù zo keq." ga taí uchyang, Yhâng é chángzô pé lé gàm byí ri.

23 Hau htâng, Yhang gi, góm lé le, yù mù, jeju hkya-on luí, yhangmoq lé byí ri; yhangmoq ban-shoq bang gi, haú lé yù shuq akô nghut ri.

24 Yesuq gi, yhangmoq lé, "Shî gi, byù myo myô é matú htoq pyâm é, dangshikaq eq séng é Ngá sui nghut lhê.

25 Ngò, nungmoq lé teng za tái kôlé, Ngò, Garai Gasâng é mingdán má, tsibiyiq wing asik lé shuq é buinyi a jé jé, tsibiyiq wing lé dum shuq râ a nghut lo." ga tái ri.

26 Yhangmoq gi, hkya-on mahkôn ralhüm ban hkôn jáng, Tsanlun Bùm shut htoq e ló bekô nghut ri.

Petruq He-ngik Râ Hkyô Lé, Te Tái É Hkyô

Mht 26:31-35; Luk 22:31-34; Yhn 13:36-38

27 Yesuq gi, yhangmoq lé, "Nungmoq lhunglhâng bang gi, myit lingbat kó râ nghut lhê; hkâsu mù gâ le,

'Haû sau zúng sù lé, Ngò bat sat pyám mù, sau pé gi, lhoq pyo pyám é hui kó râ nghut lhê.'[✧]
ga kê tô ri.

28 Nghut kôhang, Ngò gi, lhoq dui toq é huí htâng má, Galile mau shut, nungmoq é hí má e ló láng râ nghut lhê." ga tái ri.

29 Haú hkûn, Petruq gi, "Góbang banshoq myit lingbat kôhang, ngò gi, myit lingbat râ a nghut." ga tái kat ri.

30 Haû mù, Yesuq gi, "Ngò, nàng lé teng za tái lé, hkû-nyí, hkû-myín yhang jáng, woq í dâm a tûn shimá, nàng, Ngo lé sum dâm he-ngik pyám râ nghut lhê." ga tû tái ri.

31 Nghut kôhang, Petruq gi, "Ngò, Nàng eq rahá shî râ dut kôhang, Nang lé ngò he-ngik pyám râ a nghut." ga zuq zuq tái ri. Góbang banshoq le, haû su ga châng tái bum akô nghut ri.

Get-samane Gâ é Jowò Má Kyûdûng É Hkyô

Mht 26:36-46; Luk 22:39-46

✧ 14:27 Zhk 13:7

32 Yhangmoq gi, Get-samane gâ é jowò má jé ló kômù, Yesuq gi, Yhâng é chángzô pé lé, "Ngò, kyû ê dúng nyi é u lé, shî má zùng láng keq." ga taí ri.

33 Yesuq gi, Yhang eq rahá Petruq, Yakuq, Yohan pé lé, shuî chùng ri. Haú hkûn, Yhang gi, myit gyai a ngón é eq myit wuîhke é hui mù,

34 yhangmoq lé, "Ngò gi, shî râ í yhang myit yón nyi ri; nungmoq gi, machyâ luí, shí má láng nyí keq." ga taí ri.

35 Yesuq gi, haú mai ratsuí zo sô ê mù, myigùng má gop byên to luí, ahkyíng haú lé ge lhoq lhaí pyám byí le gi, Yhâng chyáng mai lhoq lhaí pyám byi râ matú,

36 "Aba,[†] Áwa ê, Nàng gi, haí le wó dut é Sû nghut lhê. Góm[‡] shí lé, Ngá chyáng mai yu pyám byi laq. Nghut kôlhang, Ngò ô nau é dông a nghut, Nàng ô nau é dông sheq nghut sháng gaq." ga kyûdúng ri.

37 Hau htâng, Yhang gi, Yhâng é chángzô pé chyáng dum taú lo le, yhangmoq yhup myhí to kô é lé lo myang ri. Haú mù, Yhang gi, Petruq lé, "Simun, nàng yhup ngón nyi lhê lhú? Razup za lháng a wó machya nyi lhú?

38 Gunglaú é a hui sháng gaq, machyâ luí, kyûdúng nyi keq. Haú woi-nyí gi, kâm nyi kôlhang, gungsho gi, wum nyhôm nyi ri." ga taí ri.

39 Yesuq gi, radàm dum ê mù, hí lé dúng é dang lé za, ê dung ri.

40 Yhang dum taú lo le, yhangmoq gi, myoqkuq lai kô é yanmai, yhup myhí to láng kô é lé, lo dum

[†] 14:36 *Aba gâ é gi, Aramaik dang dông "Áwa" gâ é lichyúm nghut lhê.* [‡] 14:36 *Góm gâ é gi, Yesuq, jamjau hui rá hkyô eq shí rá hkyô lé, taí nau é nghut lhê.*

49 Ngò gi, nyí wuî, nungmoq eq rahá nyi luî, noqkuq yhûm má mhoqshit byí nyi kôlhang, nungmoq, Ngo lé a chyup yû kô é nghut lhê. Nghut kôlhang, Chyúmdang pé gi, dik ra rá nghut lhê." ga taî ri.

50 Haú hkûn, haú chángzô pé gi, Yesuq lé tô pyâm to kôluî, hfang byo byuq bekô nghut ri.

51 Buhîng za wut é zorâm rayuq gi, Yesuq htâng cháng wún ri. Yhangmoq gi, haú yuq lé, wó kyaq zui kô é hkûn,

52 yhang gi, buhîng lé hkyut hkyô pyâm to mù, gùngchîn hfang ló byuq bê nghut ri.

*Yudaq Byìn Tú Wapdoq Má Jéyáng Huî É Hkyô
Mht 26:57-68; Luk 22:54-55, 63-71; Yhn 18:13-14, 19-24*

53 Yhangmoq gi, Yesuq lé, hkyangjong mó chyáng shuî e akô; haú hkyangjong agyi pé lhunglhâng bang, suwún wuî eq tarâ sará pé le, lé zup zîng bum akô.

54 Petruq gi, hkyangjong mó é yhumwàng hkaû má châng jé wâng shoq, we we mai Yesuq htâng châng tô ri. Yhang gi, haú má, zúng bang eq rahá, myihkyóm yâm má gyoq gang zung tô ri.

55 Haú hkyangjong agyi pé eq Yudaq byìn tú wapdoq gón gi, Yesuq lé sat rá saksé hô kôlhang, haî le a myâng kó nghut ri.

56 Byù myo myo gi, a têng é saksé hkám kôlhang, yhangmoq é dang gi, a tsûng lhum kó nghut ri.

57 Hau htâng, ra-am gi, toq yap mù, a têng é saksé hkám kô é gi,

58 "Yhang gi, 'Byu loq èq saî é noqkuq yhûm shî lé, Ngò hpyoq hpyi pyám mù, sum nyí gyoro má,

byu loq eq a saí é, gotû ralhum dum saí râ nghut lhê.' ga taí é lé, ngamoq wó gyò ri." ga akô.

⁵⁹ Nghut kôlhang, yhangmoq é saksé gi, a tsûng lhum kó nghut ri.

⁶⁰ Hau htâng má, hkyangjong mó gi, yhangmoq é hí má toq yap mù, "Nàng, hai le a tù taí luq? Shí bang, Nang lé mara hun nyi é saksé gi, hká đông nghut lhê lú?" ga luí, Yesuq lé myí ri.

⁶¹ Nghut kôlhang, Yesuq gi, jit le a ga nyi tô ri.

Haû mù, hkyangjong mó gi, Yesuq lé, "Nàng gi, hkungsô wó Su é yhangzo, Hkrisduq nghut lhê lú?" ga dum myí ri.

⁶² Haú hkûn, Yesuq gi, "Nghut lhê; haû ngò Byu Yhangzo gi, a-tsam bo dik Su é loqyo hkyam§ má zung tô é lé le, mhuthtui ji mù, mauhkûng mai lé lo é* lé le, nungmoq myàng kó râ nghut lhê." ga taí ri.

⁶³ Haú hkûn, hkyangjong mó gi, yhang é bu lé lêng cheq pyám mù, "Nga-nhúng, hai saksé râ ashí lú?

⁶⁴ Yhang, Garai Gasang lé rhoi dang taí é lé nungmoq wó gyo bê nghut lhê. Nungmoq hkâsu wó myit akô lú?" ga myí ri; yhangmoq banshoq bang gi, shí gíng sũ nghut ri ga, chôm myít huí akô.

⁶⁵ Haû mù, ra-am gi, Yhang lé sôkan byé gyun é eq, myoq má nghop pyám byi luí, loqtsup eq htui byí lhê kut mù, "Nang lé ó yuq htuí é, myiqhtoi htoí wú aq." ga taí akô. Haû zúng bang gi, Yhang lé shuí yù mù, nhuq bat akô nghut ri.

§ 14:62 *Loqyo hkyam* gâ é gi, ahko ahkáng wó é jowò lé gâ é nghut lhê. * 14:62 *Mhuthtui ji mù, mauhkûng mai lé lo é gâ é gi, Danielaq 7:14* má bò lhê.

*Yesuq Lé, Petruq He-ngik Pyâm É Hkyô
Mht 26:69-75; Luk 22:56-62; Yhn 18:1-18, 25-27*

⁶⁶ Petruq gi, wàng hkaû má nyi tô é u lé, haû hkyangjong mó é dui-nhâng zoshâng myhí rayuq jé lé lo ri.

⁶⁷ Haú yuq gi, Petruq gyoq gang nyi é lé myàng jáng, yhang lé rago wú mù, "Nàng le, Nazaret wà byù Yesuq eq rahá nyi sù nghut ri." ga taí ri.

⁶⁸ Nghut kôhlang, yhang gi, "Nàng taí é hkyô lé, ngò, sé le a sé, gyo le a sê gyo." ga he pyám luí, wâng hkúmdong shut htoq e ló bê nghut ri.†

⁶⁹ Dui-nhâng zoshâng myhí haú gi, Petruq lé, haú má dum myàng jáng, awui ayàm má yap tô é bang lé, "Shí yuq le, haû hpúng má lom é sù rayuq nghut ri." ga dum taí ri.

⁷⁰ Petruq gi, radàm dum he pyâm ri; hau htâng razup zo má, haû nàm má yap tô é bang gi, Petruq lé, "Nàng gi, Galile byù rayuq nghut é yanmai, haú hpúng mâ é byù rayuq hkyak nghut lhê." ga taí akô.

⁷¹ Haú hkûn, yhang gi, yhânggùng yhang nhing luí, "Haû nungmoq taí é byù lé, ngò a sé." ga dakam ri.

⁷² Haú u yhang, woq radàm dum tun kat bê nghut ri. Haû mù, Petruq gi, "Woq í dâm a tân shimá, nàng, Ngo lé sum dâm he-ngik pyám râ nghut lhê." ga, Yesuq, yhang lé taí é dang lé, myit bún kat mù, wum kat ngau ri.

† **14:68** Chyúmding ra-am má Haú hkûn jáng, woq tân bê nghut ri gâ é le bo ri.

10 Pilat, haû su ga myî é gi, haû hkyangjong agyi pé, Yesuq lé manôn kôluî, yhâng chyáng lé ap byi kô é hkyô lé sê é yanmai nghut ri.

11 Nghut kôlhang, haû hkyangjong agyi pé gi, Barabaq lé sheq nhâng byi râ matú, Pilat chyáng dung kó sháng gaq ga, haû byù moq mó lé i-myt lhoq toq byi akô.

12 Pilat gi, "Haû jáng, nungmoq mai Yudaq byu pê é hkohkâm ga sù yuq lé, ngò hkâsu kut râ lhú?" ga yhangmoq lé myî ri.

13 Haú hkûn, yhangmoq gi, "Yhang lé tapzîng má jén sat pyám aq." ga chôm garu akô.

14 Haû jáng, Pilat gi, "Haî mù luî lhú? Yhang haî kut shut bê lhú?" ga dum myi jáng, yhangmoq gi, htê mó èq, "Yhang lé tapzîng má jén sat pyám aq." ga je riyhang garû lo bum akô nghut ri.

15 Pilat gi, haû byù moq mó lé nhik dik nhâng nau é yanmai, Barabaq lé gi, nhang kat byi mù, Yesuq lé gi, nhuq bat nhâng mù, tapzîng má jén sat pyám râ matú, ap byi kat bê nghut ri.

Gyezô Pé Gi, Yesuq Lé Rhoi É Hkyô

Mht 27:27-30; Yhn 19:2-3

16 Gyezô pé gi, Yesuq lé, Pretori yhumwàng (mauzau hpô é yhumwàng) mó hkaû má shuí wang ló kômù, gyedap gón lé ji tsîng yu akô.

17 Hau htâng, yhangmoq gi, Yesuq lé buhîng nè radung hut byi mù, zujanmaú saî yù kôluî, Yhâng é ulhum má tsung byi akô.

18 Hau htâng, yhangmoq gi, "Yudaq byu pê é hkohkâm hpó ê! Chyung hîng xê hîng nyî sháng gaq ô!" ga wut garû akô.

²⁷ Yhangmoq gi, damyaq í yuq lé le, Yhâng é loqyo hkyam shut rayuq, loqpaí hkyam shut rayuq kut, tapzîng htoq má jén tap tô akô nghut ri.

²⁸ (Haû gi, "Yhang gi, yubak dap bâng chyáng nghap lhôm é hui bê nghut ri."✧ ga é Chyúmdang lé lhoq dik é nghut ri.)†

²⁹ Hkyô sô lai lô é bang gi, nyhap é dông u-ngut ngut mù, taí kô é gi, "Noqkuq yhûm lé hpvoq pyâm luí, sum nyí gyoro má dum wó sai lhê ga Sû ê!

³⁰ Náng gùng nàng hkyi yù luí, tapzîng mai gyó lò wú aq mhaî!" ga akô nghut ri.

³¹ Haû eq rajung za, hkyangjong agyi pé eq tarâ sará pé le, yhangmoq hkaû má, "Shí yuq gi, gôbang lé hkyi yù sù nghut kôlhâng, Yhânggùng yhang gi, a wó hkyi yù nghut ri myhi-nhung!

³² Nga-nhúng wó myâng mù, lumjîng râ matú, shî, Israelaq byu pê é hkohkâm, Hkrisduq gi, tapzîng mai gyó lo wú sháng gaq." ga, Yhang lé rhoi dang taí akô. Yhang eq rahá tapzîng má jén tap to huí é su nhik le, Yhang lé rhoi dang taí akô nghut ri.

Yesuq, Shi É Hkyô

Mht 27:45-56; Luk 23:44-49; Yhn 19:28-30

³³ Nyí-káng raxe í hkyíng mai myinhtâng sum hkyíng jé shoq, ramau gón mauchut tuq dut byuq bê nghut ri.

³⁴ Myinhtâng sum hkyíng jé é hkûn, Yesuq gi, "Eloi, Eloi, lama sabakhtani."✧ ga, htê mó èq garû kat ri. Haû é lichyúm gi, "Ngá Garai ê, Ngá Garai

✧ 15:28 Esai 53:12 † 15:28 Bun zo shí gi, chyúmding axau ra-am pé má za bo é nghut lhê. ✧ 15:34 Hkya-on 22:1

ê, Nàng, haî mù, Ngo lé tô pyâm tô lhê lhú?" gâ é nghut ri.

³⁵ Haú nâmb má yap tô é bang ra-am gi, haú lé wó gyo kôjáng, "Gyô wú keq. Yhang gi, myiqhtoï Eliyaq lé wut nyi ri." ga, taî akô.

³⁶ Haú hkûn, byù rayuq gi, din e lô mù, wuîmaù lé tsibiyq wing chyîn má jum yù luî, jàm-yang má tuî tap mù, Yesuq shuq sháng ga yhun byi luî, "Eliyaq gi, lé lô mù, Yhang lé lé lhoq hkyô yù abe, nga-nhúng chôm láng wú sháng." ga taî ri.

³⁷ Yesuq gi, htê mó èq garû kat luî, kâng byit byuq bê nghut ri.

³⁸ Noqkuq yhûm mâ é pán-gyang gi, ahtoq mai a-ô í hkyam byáng dut byuq bê nghut ri.

³⁹ Yesuq é hí má yap tô é shô up gyezau hpó gi, Yesuq é garu htê lé wó gyo mù, Yhang hkâsu kut shi é lé myàng jáng, "Shí yuq gi, gè gè yhang, Garai Gasâng é Yhangzo nghut ri-nhung!" ga taî ri.

⁴⁰ Myiwe wuî ra-am gi, we we mai wú nyi bum akô. Haú bang má, Magadalaq wà mâ é Mariq, Yakuq tiq sù yuq eq Yose nhiktang é yhangnu Mariq eq Salome pé le bo akô nghut ri.

⁴¹ Haú bang sum yuq gi, Galile mau má, Yesuq htâng cháng mù, Yhâng rà é hkyô pé lé cháng kut byî é bang nghut akô. Yesuq eq rahá, Yerusalem wà mó má doq lé lo é myiwe wuî, góbang myo myo le haú má nyi tô bum akô nghut ri.

Yesuq Lé, Myhup Pyâm É Hkyô

Mht 27:57-61; Luk 23:50-56; Yhn 19:38-42

⁴² Haú nyí gi, Hên Lajang Buinyî (Bánno buinyi é hí nyí) nghut ri. Haú mù, myinhâng jé lô jáng,

⁴ Nghut kôlhang, yhangmoq tu wú kat kô é hkûn, luqlong haú gi, lhoq lhêng to lánq é lé, myàng akô nghut ri; luqlong haú gi, gyai kô é nghut lhê.

⁵ Yhangmoq gi, lup hkaú má wang ê kô é hkûn, hpyu é buhîng wut é zorâm rayuq, loqyo hkyam má zung tô é lé, myàng kôjáng, gyuq dan bum akô.

⁶ Haú hkûn, haú yuq gi, "Hkâgyuq dàn kó! Nungmoq gi, haú tapzîng má jén sat huí é, Nazaret wà byù Yesuq lé ho akô, a nghut l hú? Yhang dui toq ló bê! Yhang gi, shí má a nyì lo. Yhang lé, lheq tô é jowò lé wú wú keq.

⁷ Ahkuî, nungmoq gi, ló mù, 'Yesuq gi, nungmoq hí má, Galile mau shut so lánq râ nghut lhê. Nungmoq lé, Yhang taí tô é eq rajung za, nungmoq gi, Yhang lé haú má ló myâng kó râ nghut lhê.' nghû, Yhâng é chángzô pé eq Petruq lé ló taí kyo keq." ga lhom taí kat ri.

⁸ Haú mù, myiwe myhí haú bang gi, byòdàn gyuq nán é eq, lup mai hfang htoq ló akô; yhangmoq gi, lûm gyuq byuq kô é yanmai, ó yuq lé lé, haí le a taí kó nghut ri.

(Bun zo 9 mai 20 jé shoq gi, chyúmding axau ra-am pé má a bo é nghut lhê.)

Yesuq Htoq Shit É Hkyô

Mht 28:9-10, 16-20; Luk 24:13-53; Yhn 20:11-23; Lagyo 1:6-11

⁹ Yesuq gi, Bánno buinyì htang napsûn lé, Yhang dui toq é htâng, Yhang mai nat gang nyhit du hkat htoq pyám byì bê sù, Magadalaq wà mâ é Mariq lé hí htoq shit ri.

¹⁰ Mariq haû gi, lô mù, haû Yesuq eq nyi laî lò bê bang, yón ngau nyi kô é hkûn, haû hkyô lé lô taî kyô ri.

¹¹ Yhangmoq gi, Yesuq dum duì bê gâ é hkyô lé le, Yhang lé, Mariq myang é gâ é hkyô lé le, wó gyo kôhlang, a jing kó nghut ri.

¹² Hau htâng má, Yesuq gi, yosô wà shut htoq e lô nyi é chángzo í yuq lé, gotû gunghkyâng dong htoq shit ri.

¹³ Haú nhik gi, taû lò mù, gotû chángzô pé lé haú hkyô lò shit kyo akô; nghut kôhlang, yhangmoq gi, haû lé le a jing byi kó nghut ri.

¹⁴ Hau htâng má, Yesuq gi, haû chángzo raxe rayuq baú za zang zô nyi kô é hkûn, yhangmoq chyáng lé htoq shit ri. Yhangmoq chyáng lumjing myit a bò kô é yanmai le, Yhang duì toq é htâng má, Yhang lé myang é bang taî kyo kô é dang lé, a jing é za myit htan to kô é yanmai le, Yhang gi, yhangmoq lé tân ri.

¹⁵ Hau htoq agó, Yesuq gi, yhangmoq lé, "Míngkan jam shoq htoq ê mù, waxâng zo wuí lhunglhang lé, haû gabú danglù hko kyo keq.

¹⁶ Lumjing mù, wui-myhup hkâm yu é sù ó yuq nghut kôle, hkyi yu é hui râ nghut lhê. Nghut kôhlang, a lumjing é sù ó yuq nghut kôle, mara byi é hui râ nghut lhê.

¹⁷ Lumjing é bang wó kut shit râ kumlhá pé gi, Ngá é mying lé lang lui, nat gang pé lé wó hkat htoq kó râ eq laklai é mying pé lé dat nyò kó râ nghut lhê;

¹⁸ yhangmoq gi, lhangmuì pé lé le, wó kui zui kó râ nghut lhê; muì shi jung duq lé, shuq kôhlang, haî dut kó râ a nghut. Nò bâng é htoq má, yhangmoq é

loq ke byi jáng, nò bang ge byuq kó râ nghut lhê."
ga taî ri.

¹⁹ Haû Yhumsîng Yesuq gi, yhangmoq lé dang
ban taî é htâng má, mauhkûng shut shuî toq yu é
hui luî, Garai Gasâng é loqyo hkyam má zung to
bê nghut ri.

²⁰ Hau htâng, haû chángzô pé gi, htoq ê mù, jowò
hkanmó má mungdang ê hko kyô akô nghut ri;
haû Yhumsîng gi, yhangmoq eq rahá nghut nyî mù
luî, Yhâng é mungdang têng é hkyô lé tân shit râ
matú, yhangmoq lé, kumlhá pé wó kut é a-tsam
byî é nghut ri. Amen.

Chyoiyúng chyumlaiká: dangshikaq asik; Zaiwa

New Testament in Zaiwa

copyright © 2009 Wycliffe Bible Translators, Inc.

Language: Zaiwa

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9781921445408

The New Testament

in Zaiwa

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

xcı

please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

23f9fc55-a8a4-59ef-9513-707ec336b0ee